



Հայաստանի Հանրապետության սնանկության դատարան

Ո Ր Ո Շ ՈՒ Մ

Քաղաքացիական գործը վարույթ ընդունելու և նախնական դատական նիստ հրավիրելու մասին

<<18>> հունվարի 2024թ.

ք. Երևան

Հայաստանի Հանրապետության սնանկության դատարանի դատավոր Արսեն Բաբայանս, ծանոթանալով ըստ հայցի <<Պրեմիում Կրեդիտ>> ՈՒՎԿ ՓԲ ընկերության ընդդեմ Սարգիս Անդրանիկի Աբրահամյանի, Հերմինե Յուրիկի Խաչումյանի՝ ընդհանուր բաժնային սեփականություն հանդիսացող գույքից Հերմինե Յուրիկի Խաչումյանի բաժինն առանձնացնելու, այն առանձնացնելու ակնհայտ աննպատակահարմարության և/կամ մյուս սեփականատիրոջ կողմից վերջինիս բաժինը ձեռք բերելուց հրաժարվելու դեպքում գույքը հրապարակային սակարկություններով վաճառելու և ստացված գումարը սեփականատերերի միջև նրանց բաժիններին համաչափ բաշխելու, իսկ Հերմինե Յուրիկի Խաչումյանի բաժնի դիմաց ստացված գումարը <<Պրեմիում Կրեդիտ>> ՈՒՎԿ ՓԲ ընկերության պարտավորությունների մարմանն ուղղելու պահանջների մասին, թիվ ԵԴ/62851/02/22 քաղաքացիական գործի նյութերին

Պ Ա Ր Զ Ե Ց Ի

<<Պրեմիում Կրեդիտ>> ՈՒՎԿ ՓԲ ընկերության ներկայացուցիչը հայցադիմում է ներկայացվել ՀՀ Երևան քաղաքի առաջին ատյանի ընդհանուր իրավասության դատարան ընդդեմ Սարգիս Անդրանիկի Աբրահամյանի և Հերմինե Յուրիկի Խաչումյանի՝ խնդրելով ՀՀ, ք. Երևան, Նոր Նորք, Մ. Գալշոյան փողոց, 22 շենք, 23 բնակարան հասցեում գտնվող անշարժ գույքից բնեղենով առանձնացնել Հերմինե Յուրիկի Խաչումյանին պատկանող 1/5-րդ բաժնեմասը, դրա ակնհայտ աննպատակահարմարության և/կամ մյուս սեփականատիրոջ կողմից Հերմինե Խաչումյանի բաժինը ձեռք բերելուց հրաժարվելու դեպքում, գույքը հրապարակային սակարկություններով վաճառել և ստացված գումարը սեփականատերերի միջև նրանց բաժիններին համաչափ բաշխել, իսկ Հերմինե Խաչումյանի մասնաբաժնի դիմաց ստացված գումարն ուղղել վերջինիս պարտավորությունների մարմանը:

ՀՀ Երևան քաղաքի առաջին ատյանի ընդհանուր իրավասության դատարանի (դատավոր՝ Հ. Զալալյան) 12.12.2022 թվականին որոշմամբ հայցադիմումը ընդունվել է վարույթ:

ՀՀ Երևան քաղաքի առաջին ատյանի ընդհանուր իրավասության դատարանի (դատավոր՝ Հ. Զալալյան) 17.02.2023 թվականի որոշմամբ հրավիրվել է նախնական դատական նիստ:

ՀՀ Երևան քաղաքի առաջին ատյանի ընդհանուր իրավասության դատարանի (դատավոր՝ Հ. Զալալյան) 08.06.2023 թվականին որոշմամբ բաշխվել է կողմերի միջև ապացուցման պարտականությունը:

04.12.2023 թվականին հայցվոր <<Պրեմիում Կրեդիտ>> ՈՒՎԿ ՓԲ ընկերության ներկայացուցիչ կողմից ՀՀ Երևան քաղաքի առաջին ատյանի ընդհանուր իրավասության դատարան է մուտքագրվել միջնորդություն՝ թիվ ԵԴ/62851/02/22 քաղաքացիական գործն ըստ ենթակայության ՀՀ սնանկության դատարան հանձնելու վերաբերյալ:

ՀՀ Երևան քաղաքի առաջին ատյանի ընդհանուր իրավասության դատարանի (դատավոր՝ Հ. Զալալյան) 08.12.2023 թվականին որոշմամբ քաղաքացիական գործը հանձնվել է ՀՀ սնանկության դատարանի քննությանը:

Թիվ ԵԴ/62851/02/22 քաղաքացիական գործ մակագրվել է ՀՀ սնանկության դատարանի դատավոր Ա. Բաբայանին և տրամադրվել է աշխատակազմին 18.01.2024 թվականին:

Տվյալ դեպքում դատարանն արձանագրում է, որ ՀՀ սնանկության դատարանի վճռով Հերմինե Յուրիկի Խաչումյանը ճանաչվել է սնանկ, որի վերաբերյալ վարույթը շարունակվում է ՀՀ սնանկության դատարանում, ուստի քաղաքացիական գործը պետք է ընդունել վարույթ և հրավիրել նախնական դատական նիստ:

Ելնելով վերոգրյալից և ղեկավարվելով «Սնանկության մասին» ՀՀ օրենքի 1-ին հոդվածով, ՀՀ քաղաքացիական դատավարության օրենսգրքի 5-րդ, 199-200-րդ հոդվածներով

Ո Ր Ո Շ Ե Ց Ի

«Պրեմիում Կրեդիտ» ՈՒՎԿ ՓԲ ընկերության ընդդեմ Սարգիս Անդրանիկի Աբրահամյանի, Հերմինե Յուրիկի Խաչումյանի՝ ընդհանուր բաժնային սեփականություն հանդիսացող գույքից Հերմինե Յուրիկի Խաչումյանի բաժինն առանձնացնելու, այն առանձնացնելու ակնհայտ աննպատակահարմարության և/կամ մյուս սեփականատիրոջ կողմից վերջինիս բաժինը ձեռք բերելուց հրաժարվելու դեպքում գույքը հրապարակային սակարկություններով վաճառելու և ստացված գումարը սեփականատերերի միջև նրանց բաժիններին համաչափ բաշխելու, իսկ Հերմինե Յուրիկի Խաչումյանի բաժնի դիմաց ստացված գումարը «Պրեմիում Կրեդիտ» ՈՒՎԿ ՓԲ ընկերության պարտավորությունների մարմանն ուղղելու պահանջների մասին, թիվ ԵԴ/62851/02/22 քաղաքացիական գործն ընդունել վարույթ և գործով նախնական դատական նիստ հրավիրել՝ 2024թ. մարտի 28-ին, ժամը 14:00-ին, Հայաստանի Հանրապետության սնանկության դատարանի շենքում /ք. Երևան, Օտյան փող. 53/2 շենք, դատական նիստերի դահլիճ թիվ 5/:

ԴԱՏԱՎՈՐ՝



Ա. ԲԱԲԱՅԱՆ

